

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2018 ԹՎԱԿԱՆԻ ԱՊՐԻԼԻ 12-Ի N 430-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Նախագիծ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

ՈՐՈՇՈՒՄ

_____ փետրվարի 2025 թվականի N _____-Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2018 ԹՎԱԿԱՆԻ ԱՊՐԻԼԻ
12-Ի N 430-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ
ՄԱՍԻՆ

Ղեկավարվելով «Նորմատիվ իրավական ակտերի մասին» օրենքի 33-րդ և
34-րդ հոդվածներով՝ Հայաստանի Հանրապետության կառավարությունը
որոշում է.

1. Հայաստանի Հանրապետության կառավարության 2018 թվականի
ապրիլի 12-ի «Նպատակային ուսումնառության համար քաղաքացուն
պարտադիր զինվորական ծառայության զորակոչից տարկետում տալու
և տրված տարկետումը դադարելու պայմանները սահմանելու մասին»
N 430-Ն որոշման (այսուհետ՝ Որոշում) հավելված **N 2**-ի.
- 1-ին կետը «հիմնական կրթության հիմքի վրա» բառերից հետո լրացնել
«հիմնական կրթությունը ավարտելու տարում» բառերը,
- 4-րդ կետում «ամառային զորակոչի համար մինչև հունիսի 1-ը, իսկ
ձմեռային զորակոչի համար՝ մինչև դեկտեմբերի 1-ը» բառերը
փոխարինել «ոչ ուշ, քան հայտարարված զորակոչի ավարտի օրվան
նախորդող 30-րդ օրը» բառերով,
- 5-րդ կետում «մինչև յուրաքանչյուր տարվա համապատասխանաբար
հունիսի 10-ը կամ դեկտեմբերի 10-ը» բառերը փոխարինել «ոչ ուշ, քան
հայտարարված զորակոչի ավարտի օրվան նախորդող 25-րդ օրը»
- 6-րդ կետում «մինչև յուրաքանչյուր տարվա համապատասխանաբար
հունիսի 15-ը կամ դեկտեմբերի 15-ն» բառերը փոխարինել «ոչ ուշ, քան
հայտարարված զորակոչի ավարտի օրվան նախորդող 20-րդ օրը»
բառերով, իսկ «մինչև քաղաքացու ուսումնառության ավարտի օրը
ներառյալ, սակայն ոչ ավելի, քան նրա 19 տարին լրանալու օրը»
բառերը հանել,
- 6-րդ կետը լրացնել նոր՝ 6.1-րդ կետով՝ հետևյալ բովանդակությամբ.

«Սույն կարգի համաձայն՝ հանրակրթական ծրագրերով սովորելու դեպքում
տարկետում տրվում է ուսումնառության ավարտի օրը ներառյալ, իսկ

արհեստագործական և միջին մասնագիտական կրթական ծրագրերով սովորողին՝ ուսումնառության ավարտի օրը ներառյալ, սակայն ոչ ավելի, քան քաղաքացու 20 տարին լրանալու օրը:»:

2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից, իսկ 1-ին կետի 1-ին ենթակետի կարգավորումը տարածվում է 2025-2026 ուսումնական տարում ընդունված քաղաքացիների վրա:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐՉԱՊԵՏ

Ն. ՓԱՇԻՆՅԱՆ